

Kita ba kaha ang Katapusang Kaliwat dinhi sa Yuta?

Leksyon 3

1. Unsa man ang mas importante nga atong masabtan kaysa sa panahon?

Mateo 16:2,3 _____

2. Kon pangutan-on alang sa mga ilhanan sa katapusan, unsa man ang una nga tubag ni Jesus?

Mateo 24:3, 4 _____

3. Sa Iyang pagsugod sa pagtagna alang sa iglesya, sa human Niya mahisgutan ang pipila ka mga unang ilhanan, gitagna ni Jesus ang pagkagun-ob sa unsa nga cyudad?

Lucas 21: 20 _____

Sa wala maabot sa 40 ka mga tuig sukad sa paghatag niana nga pasidaan, ang Jerusalem napildi ngadto sa mga sundalo sa Roma. Ug sama sa Iyang gitagna, walay usa ka bato sa matahum nga templo ang nabilin nga wala malumpag.

4. Unsa nga ilhanan ang makapahibalo sa mga sumusunod ni Cristo nga ang paggun-ob sa cyudad haduol na?

Lucas 21:20 _____

Sa Oktubre, AD 66, si Cestius naglibot sa Jerusalem. Ang mga Cristohanon sa cyudad nakasabot nga kini mao ang ilhanan nga gihatag ni Cristo. Sa dihang ang mga Romano miatras, ang mga Cristohanon mikalagiw, walay bisan usa nga nawagtangan sa iyang kinabuhi. Human niini ang mga Romano nga sundalo ni Titus mibalik, ug sa AD 70, ang cyudad nagun-ob. Sobra sa milyon ka mga Hudiyos ang nangamatay.

5. Unsa ang makalilisang nga kasinatian ang mosunod nga mahitabo?

Mateo 24:21 _____

Sa sunod nga 250 ka mga tuig ang iglesya nag-antos sa hilabihang paglutos gikan sa gobierno sa Roma. Ang mga Cristohanon gipakaon sa mga bangis nga mga mananap, gipanggapos sa mga poste ug gidauban aron mahimong iwag sa mga dulaanan. Tulo ka milyon ang mga nangamatay alang sa ilang pagtoo ni Cristo.

Dayon si Constantino, naka-amgo nga ang Cristyanismo dili mapapas diha-diha, nagpakita ug pagkakabig, ug nagproklamar nga ang Cristyanismo (uban sa maayo nga pagsagol sa paganismo) mao ang ospisyal nga relihiyon sa emperyo. Apan ang dugay nga mga tuig sa pagpatuman sa maong relihiyon nagbunga ug mas grabe nga paglutos diin kini nakapatay sa sobra sa 50 ka milyon nga katawhan. Hangtud nga giablihan ang dapit sa America diin ang mga Cristohanon gitugutan sa kagawasan sa konsensya nga dili pagalutoson.

6. Unsa nga linain nga ilhanan ang gisulti ni Jesus nga igahatag dayon human sa kasakit niadtong mga adlaw?

Mateo 24:29 _____

Ang adlaw mahimong _____

Ang bulan mahimong _____

Ang mga bitoon mahimong _____

Sa pagtukod sa America, ang dugay na nga paglutos naundang. Ang pagdeklarar sa Kagawasan, siguro mao ang pinakainila nga kagawasan sa tanang panahon, napirmahan sa tuig 1776, nga nagsulti nga “ang tanang katawhan gibuhay nga sama ra, nga sila gihatagan sa ilang Magbubuhay ug pipila ka mga nga katungod, nga uban niini mao ang kinabuhi, kagawasan, ug ang sa kalipay.” Ang America nag-abli sa iyang mga pultahan sa tanang gusto makakita ug kagawasan sa relihiyon, nagpasalig sa katungod sa tanan nga makasimba sumala sa ilang kaugalingon nga konsensya..

Si Jesus miingon, “Human dayon sa kasakit niadtong panahona dayon ang adlaw mangitngit...”
Ang America wala pa kaayo matawo sa dihang sa tuig Mayo 19, 1780 kini nakasaksi sa

gikaingon nga kasaysayan sa dakung Adlaw sa Kangitngit. Sumala sa Boston Gazette, “adunay panagway sa kagabhion diha sa kaudtuhon.” Ang kangitngit nagsugod sa 10 sa buntag. Ang mga kandila gidagkutan; naghuna-huna ang mga mananap nga kadto gabii na. Ang Connecticut Historical Collections naghulagway niini nga kalisud diha sa balay-balaoran sa estado diin, “usa ka hiniusang panghuna-huna ang mipalabaw, nga ang adlaw sa paghukom naabot na.” Ang magbabalak nga si John Greenleaf Whittier nagtawag niini nga “usa ka makahadlok nga dakung kangitngit.”

Si Jesus mipadayon sa pag-ingon, “...Ug ang bulan dili magahatag sa iyang kahayag.” Ang Collections of the Massachusetts Historical Society, nagtawag sa Adlaw sa Kangitngit, nakabaton niini nga record: “Ang kangitngit sa sumusunod nga gabii mao ang tingali pinakangitngit sukad sa na obserbahan... Kon ang matag sidlak nga butang diha sa uniberso natabunan sa hilabihang anino, o kaha ba kini nawala, ang kangitngit dili gayud mahimong kumpleto. Ang usa ka papel nga gunitan mga 1 ka pulgada gikan sa mata daw sama sa dili makita diha sa pinakaitom nga sapot... Kini nga hilabihang kangitngit nahitabo ‘hangtud sa ala una sa kadlawon, bisan pa ang bulan daku niadtong imaging adlaw.”

Ang ikatulo nga ilhanan nga gisulti ni Jesus mao “... ang mga bitoon mangahulog gikan sa langit.” Sa Novembre 13, 1833, gikan sa alas-2 sa kadlawn hangtud sa hayag sa adlaw, ang kawanangan sa tibuok Amihanan America nagkalayo sa mga bulalakaw. Usa sa magbabantay misulti,”Daw sama nga ang tibuok kabitoonan sa mge kalangitan nagtigum sa usa ka punto duol sa zenith, ug sa diha-diha nangatagak, uban sa kakusog sa kilat, sa matag bahin sa kawanangan; apan sila wala nangapalong.” Astronomer W.J. Fisher, sa The Telescope, gitawag kini “ang pinakamaanindot nga pag-ulan sa bulalakaw nga narekord.”

7. Sumala sa Pinadayag, unsa nga natural nga katalagman ang mahitabo sa dili pa makita ang mga ilhanan sa adlaw, bulan, ug sa mga bitoon?

Pinadayag 6:12, 13 _____

Usa sa pinakasangkad nga linod nga nabati nga narekord nahitabo sa Novembre 1, 1755. Misangkad sa lugar nga upat ka milyon kwadrado milya, ug kini naglukop sa dakung bahin sa Europa, Africa ug America. 70 ka libo ka mga tawo ang namatay. Sa Lisbon, Portugal adunay mabangis nga pag-uyog nga midugay sa 6 ka mga minuto, nga nagdaut sa cyudad. Ang dagat misaka 50 ka mga tiil ibabaw sa ordinaryo nga sukod niini. Gitawag kini sa Encyclopedia Britannica “ang pinakainila sa tanang linog.” G. A. Eiby, sa About Earthquakes, nagpasabot niini nga “ang pinakadaku nga linog nga na rekord.”

8. Giunsa ni Jesus paghulagway ang kasakit ug kalisdanan nga moabot sa yuta human niini nga mga ilhanan?

Lucas 21:25 _____

9. Unsa man ang epekto sa makalilisang nga talan-awon diha sa mga katawhan?

Lucas 21:26 _____

10. Sumala sa tagna, unsa man ang rason nga ihatag sa mga bugal-bugalon alang sa ilang paglimod nga ang katapusan haduol na?

2 Pedro 3:3, 4 _____

11. Sa katapusang pagkapukan sa ekonomiya, unsa man ang mahitabo sa mga salapi nga gitipigan?

Santiago 5:1-3 _____

“Apan ang katapusan sa tanang butang nagkahiduol na; busa magmalinaw kamo sa hunahuna ug batoni ninyo ang maayong panimuot aron kamo manag-ampo.” 1 Pedro 4:7

12. Kanus-a man mahitabo kining kalit nga pagkalaglag?

1 Tesalonica 5:3 _____

13. Isulat ang mga ilhanan sa moral nga pagkadunot nga gitagna nga mahitabo sa katapusang mga adlaw.

2 Timoteo 3:2, 3 _____

14. Unsa man ang higugmaon sa mga tawo labaw sa Dios?

2 Timoteo 3:4 _____

15. Unsa ang mga ilhanan nga makita diha sa iglesya?

2 Timoteo 3:5 _____

16. Sa unsang panahona gikatandi ang katapusang mga adlaw?

Lucas 17:26 _____

17. Unsa man ang nahitabo sa kaadlawan ni Noe?

Genesis 6:5 _____

18. Unsa man pud ang mahitabo sa paglambo ug sa kaalam niining katapusang mga adlaw?

Daniel 12:4 _____

19. Unsa man ang gisulti ni Jesus nga atong mailhan sa dihang atong makita kini nga mga ilhanan?

Lucas 21:31 _____

20. Sa dihang atong makita kini nga mga ilhanan, unsa naman ka duol ang gingharian?

Lucas 21:32 _____

“Ihangad ninyo ang inyong mga ulo, kay ang inyong kaluwasan nagakahiduol na.”

21. Unsa man ang makaphimo nato nga dili kita maandam alang sa katapusan?

Lucas 21:34 _____

22. Aron kita maandam, unsa man ang atong kinahanglan buhaton?

Lucas 21: 36 _____

Diha sa Kahayag sa Pulong sa Dios....

- Ako nakasabot nga kita anaa na karon sa katapusang mga adlaw sa kasaysayan sa kalibutan.
- Ako naghandum sa pag-andam sa akong kinabuhi alang sa mga panghitabo nga umalabot.

Dugang komentaryo: _____

Pangalan: _____

Sunod nga leksyon: Unsa ang Pamaagi sa Pagtapus sa Kalibutan